



Ruthardus à teneris annis literarum studijs & uerè pietati operã dedit. Itaq; factũ ut in uirũ doctissimũ abierit. Cũ ergo sedes Moguntina uacaret, ipse eius loci episcopus ordinatus est, Anno Christi 640. In ea functione pro sua egregia doctrina & eloquentia sedulò Christi Euangeliũ prædicauit, atq; eã ecclesiã Barbarorũ incursionibus ferè desolatã restituit. Vnde nominis eius fama percitus Dagobertus Austrasiorũ rex urbẽ Mogunt. à Hũnis prius destructã, restaurare cœpit, atq; ad ducentos passus propius Rheno admouit. In ea Ruthardus sua prædicatione fortitèr pergens, tan dẽ moriens, æternã beatitudinem consecutus est.